



Te wā pūrongo!

He mea tino whaitake te tuari pārongo mō ia tamaiti e pā ana ki te ako me te angitu. Mā te tuari pārongo kounga mō te ako ki ngā ākonga, ngā mātua, ngā whānau me ngā kura e noho mārama ai te katoa, e tautoko hoki rātou i te ākonga.

Anō, ko te whāinga o s165 he mātua whakarite kia kōrero tonutia ngā painga o te ākonga, arā, kia kounga te pārongo aromatawai kia tukua:

- kia māmā, kia mārama anō te reo
- ki ngā kupu ā-tuhi (ka taea te mea matihiko)
- ko te iti rawa, kia rua ngā wā i te tau
- puta noa i Te Marautanga o Aotearoa, me ngā wāhanga o te reo matatini me te pāngarau.

Arā, ngā huarahi rerekē e tutuki ai te whāinga o s165. Heoi, nā te kore mārama o ngā hiahia he nui rawa ngā kōrero e pūrongotia ana e ētahi kura, me te aha kāore e tutuki i a rātou ngā hononga whaihua. Whakatauritea ēnei horopaki ki te kaupapa here pūrongo a tō kura kia kite me he mea whai hua tonu ā koutou mahi.

He ngāwari noa māu hei whakatutuki i ngā whāinga o s165.

Ko tēhea o ngā horopaki e whai ake nei e mātua whakarite kia tutuki i a koe ngā whāinga o s165?



HE TAUIRA TUATAHI

Ka tae ā-tinana atu ngā mātua me ngā whānau ki ngā hui whakawhiti kōrero e arahina e te ākonga. Ka riro mā te kaiako e tuhi ki tētahi papa tauira ngā kōrero i puta i aua hui e pā ana ki te kauneke marautanga. Ka wehe mai ngā mātua i taua hui, ka whiwhi rātou i tētahi kape o ngā kōrero i tuhia me ērā kōrero e pā ana ki te kauneke mō te reo matatini me te pāngarau.



E rawaka ana tēnei hei whakatutuki i te NAG2c. Mehemea he kounga te pūrongo aromatawai e tuarhia ana. Ka tuku pūrongo ā-tuhi te kura e rua ngā wā i te tau e pā ana ki te kauneke marautanga.



HE TAUIRA TUARUA

E rua ngā wā i te tau e whiwhi pūrongo ai ngā ākonga me ō rātou whānau mai i te kura. He pūrongo ā-tuhi, ā-tinana hoki me ngā pārongo mō te marau ā-kura me “Te Āhuatanga o te Ākonga” e ai ki tā te kura i whakamārama ai hei whakaata i āna whāinga me ōna wawata mō ngā ākonga.



E rawaka ana tēnei hei whakatutuki i te NAG2c. Mehemea he kounga te pārongo aromatawai e tuarhia ana, ā, he whakaata hoki i ngā mātāpono o Rukuhia, Rārangahia.



HE TAUIRA TUATORU

He wāhi anō tā te ākonga me tōna whānau ki te hoatu pārongo whai take e whakawhānui ai i ngā kōrero mō te ākonga anō. Me āta pānui e ngā ākonga ā rātou pūrongo hukihuki, ā, ka whakawhiti kōrero ai me ō rātou kaiako mō ngā panoni e hiahiatia ana.



E rawaka ana tēnei hei whakatutuki i te NAG2c. Mehemea he kounga te pārongo aromatawai e tuarhia ana, ā, he whakaata hoki i ngā mātāpono o Rukuhia, Rārangahia. He huarahi noa tēnei kia pūrongo atu ki ngā whānau, me ngā ākonga. E hui mai ana i te aromatawai me te pūrongo te pitomata me ngā pūmanawa o te ākonga.



HE TAUIRA TUAWHĀ

Whakamahi ai ngā mātua me ngā whānau i tētahi taupānga waea atamai nā te kura anō i hanga hei aroturuki i te kauneke marautanga a te ākonga, hei tuku pūrongo hoki o taua wā tonu mō te reo matatini me te pāngarau.



E rawaka ana tēnei hei whakatutuki i te NAG2c. Mehemea he kounga te pūrongo aromatawai e tuarhia ana. He pai noa iho te pūrongo matihiko hei whakatutuki i te wāhanga 'ā-tuhi' o te NAG.



HE TAUIRA TUARIMA

Whakamahi ai ngā mātua me ngā whānau i tētahi taupānga tukutuku tuihono kia taea e te kaiako te tuari pūrongo akoranga marautanga o taua wā tonu me ērā e pā ana ki te reo matatini me te pāngarau rānei i roto i te huringa o te wā.



E rawaka ana tēnei hei whakatutuki i te NAG2c. Mehemea he kounga te pūrongo aromatawai e tuarhia ana. He pai noa iho te pūrongo matihiko hei whakatutuki i te wāhanga 'ā-tuhi' o te NAG.



HE TAUIRA TUAONO

Whakamahi ai ngā whānau me ngā mātua i tētahi pūnaha whakahaere ākonga e whakamahia ana e ngā kaiako kia hopu i ngā pārongo aromatawai mō te ākonga o taua wā tonu mō te reo matatini me te pāngarau. He rite tonu te whai wāhi a ngā whānau, ngā kaiako me ngā ākonga ki tēnei pūnaha.



E rawaka ana tēnei hei whakatutuki i te NAG2c. Mehemea he kounga te pārongo aromatawai e tuarhia ana. He pai noa iho te pārongo matihiko hei whakatutuki i te wāhanga 'ā-tuhi' o te NAG.

Kua tae koe ki te horopaki whakamutunga.